

ԵՆԵԳՆԵՆ



10

(181)
Յոկտեմբեր, 2021



ՀՅՈՒՄՆԻՍՄԱՅԻՆ ՀԱՅԱՍՏԱՆԸ ՊԱՏՄՈՒԹՅԱՆ ԽԱՉՈՒՂԻՆԵՐՈՒՄ

ՊԱՏՄԱՄՇԱԿՈՒԹՅԱՆ ՀԱՍԱԴՐՈՒԹՅՈՒՆՆԵՐ

2021թ. հոկտեմբերի 22-23-ին Գյումրու պատմական կենտրոնին առանձին շուք տվող դասական շինություններում երիտասարդական պալատում ու Գյումրու գեղագիտության ազգային կենտրոնում, տեղի ունեցավ միջազգային գիտաժողով, որին կազմակերպչի՝ ԳԱԱ Շիրակի հայագիտական հետազոտությունների կենտրոնի հրավերով, գրեթե առանց բացակայությունների, մասնակցում էր հայագետների մի հոծ բանակ:

Գիտաժողովը նվիրված է պատմական Մեծ Հայքի հյուսիս-


սային շրջանների՝ Տայք և Գուգարք աշխարհների, Համշենի, ինչպես նաև Այրարատ աշխարհի Վանանդ և Շիրակ գավառների պատմության և մշակույթի տարբեր կնճռոտ հարցերի լուսաբանմանը: Պատմական տարբեր ժամանակներում լինելով իրադարձությունների հորձանուտում, շատ հաճախ նաև դառնալով առանցքային գործոն հարևան պետությունների հետ փոխհարաբերություններում, Հայաստանի հյուսիսային հատվածը ենթարկվել է զանազան ազդեցությունների, կրել հարևան պետությունների ու նվաճողների հատուկ քաղաքականության ծանր հետևանքները: Ուժացման բյուզանդական, վրացական և թուրքական ալիքները կրած Հյուսիսային Հայաստանի հայության տարբեր շերտեր «կորսում» պատմության էջերում, իսկ նրանց թողած հոգևոր-մշակութային ժա-

ռանգության իրավահաջորդը լինելուն հավակնում են Վրաստանն ու Թուրքիան: Հրավիրված գիտաժողովը նպատակ էր հետապնդում հայտածել Հայաստանի հյուսիսի հնագիտական, պատմագիտական, ազգաբանական ու բանագիտական ուսումնասիրության ժամանակակից մակարդակը, բացահայտել տարաբնույթ հետազոտությունների իրականացման գործում առկա հիմնախնդիրները, առաջադրել ու քննարկել ուսումնասիրվող վիճահարույց իրողությունների նորովի ժամանակակից մեկնաբանություններ և հնարավորության սահմաններում ուրվագծել հայագիտության ընդհանուր համատեքստում Հյուսիսային Հայաստանի հարուստ ազգագրության, բանահյուսության, պատմության, արհեստների ու արվեստների ուսումնասիրության հետագա ընթացքն ու առաջ-

նահերթությունները 21-րդ դարի առաջին քառորդին: Գիտաժողովն ուներ շուրջ 50 մասնակիցներ ՀՀ ակադեմիական համակարգի հայագիտական ինստիտուտներից և բուհերի հայագիտական ամբիոններից: Մասնակցության հայտ էին ներկայացրել նաև մեր գործընկերները Մեծ Բրիտանիայից և Հունաստանից: Առանձնակի հետաքրքրությամբ լսվեցին «Նաղտիթ-Համշենը հայոց բնօրրանի և պետականության մաս», «Ռուս և եվրոպացի ճանապարհորդները Հյուսիսային Հայաստանում (մինչև 1820թ.)», «Կոմիտասի շիրակյան գրառուները», «Վենետիկի Մխիթարյանների հոգևոր ներկայությունը Ալեքսանդրապոլի հասարակական կյանքում», «Ալեքսանդրապոլի գեղարվեստական կյանքը XX դարի սկզբին», «Շիրակի գեղարվեստական գործվածքը 19-րդ դ. վերջին և 20-րդ դարի

սկզբին», «Տեղական գրույցներ Գյումրի-Ալեքսանդրապոլի հայտնի գերդաստանների մասին», «Շիրակի մարզի բնակչության ազգային փոքրամասնությունների թվի շարժմանը (XXդ. վերջ-XXIդ. սկիզբ)» և այլ գիտական գեղուցումներ: Մեր և արտերկրի գիտաշխատողների այս և այլ բազմաթիվ գեղուցումներ լավագույն վկայությունն էին այն իրողության, որ Հայաստանի հյուսիսն այսօր էլ մեծաթիվ հայագետների հետաքրքրությունների շրջանակում է: Գիտաժողովի երաշխավորությամբ 33 գեղուցումներ տեղ կգտնեն Կենտրոնի «Գիտական աշխատություններ» պարբերականի 2021թ. 24-րդ հատորում:

Արմեն ՀԱՅՐԱՊԵՏՅԱՆ
ՀՀ ԳԱԱ ՇՀՀ կենտրոնի
տնօրեն, պատմ. գիտ. թեկն.



Շամբեր Գորգենի Նավոյան

Ծնվել է 2001թ. դեկտեմբերի 14-ին: Զոհվել է հոկտեմբերի 10-ին: Հետմահու պարգևատրվել է «Մարտական ծառայություն մեղավոր»:

Վերջերս Գյումրու երիտասարդական պալատում տեղի ունեցավ Արցախյան պատերազմում անմահացած, 18-ամյա Շամբեր Նավոյանի ԽՈՍՈՂԸ ԶԳԻՏԻ, ԻՄԱՅՈՂԸ ԶԻ ԽՈՍՈՒՄ իմաստուն խորագրով գրքի շնորհանդեսը:

ՀՀ մշակույթի վաստակավոր գործիչ, ռեժիսոր Սիրանույշ Ղուկասյանը դրվագ առ դրվագ անդրադարձավ Շամբերի կենսագրությանն ու գրքին իմաստավորելով նրա կյանքի ու ստեղծագործական ճանապարհի յուրաքանչյուր էջը: Գրքի բեմականացված ընթերցումը Կինոյի ու թատրոնի

«ԽՈՍՈՂԸ ԶԳԻՏԻ, ԻՄԱՅՈՂԸ ԶԻ ԽՈՍՈՒՄ»

պետական ինստիտուտի ուսանողների կողմից, ինչպես նաև Գյումրու Հայրողաց տան երգչախմբի հայրենասիրական թեմայով երգերի կատարումներն առանձնահատուկ տպավորություն թողեցին ներկաների վրա: Շամբերի հարազատները, մարտական ընկերներն ու հրամանատարը իրենց խոսքերում բացահայտեցին Շամբեր Նավոյանի հայրողու երկյան ու նվիրումի ֆենոմենը: Հուշ-ցերեկույթը համակարգող Սոֆյա Հովսեփյանը վերստին հաստատեց, որ հայի ոգու ինքնության հաղթանակն անհնար է պատկերացնել առանց այնպիսի հայրողիների, ինչպիսին Շամբերն է: ՇԱՄԹԸ՝ միշտ ներկա մեր բոլոր օրերի մեջ:

Բանաստեղծուհի Ռոզա Հովհաննիսյանը Շամբերի գրքի հակիրճ անդրադարձումն ւնեց. «Այս շնորհանդեսը Շամբերի ոգու կայծերը ցրող, ծավալող, սրտից սիրտ հանդես է, նաև հիշատակաց տուրք, որ բնավ չի ազդելու գրքին տրված իմ գնահատականին. այստեղ ես տեսա գրողին ու մտավորականին հատուկ մտքի ձեռագիր՝ զարմամալիորեն տարիքով չպայմանավորված: Ասում են լավագույն վեպը պատերազմի մասին գինվորի օրագրերն են: Շամբեր կյանքի երևույթներին նայում է սրտագրությամբ. նա գիտի, որ կյանքը դիպված է, դիպված է նաև կյանքից այնպիսի՝ անեզրությունը, որին հաս-

նում ես անգոյությանը ձեռնոց մետելով, հաղթանակ տանելով մահվան դեմ: Այսօր Շամբերի հաղթանակի մի օրն է, ու ոգեկիր երթը պիտի շարունակվի, տարածվի խրամատներում ու խրամատներից դուրս, հայոց բոլոր շեներում ու քաղաքներում, պիտի շարունակվի խրամատից դեպի երկինք... Սիս ինչու է նրա գիրը դառնում հային ճակատագրված, որ բերում է մեր ժամանակի արյունլիկ դեմքն ու կնճռոտ հարցադրումները: Եվ նա պատանեկան անկեղծությամբ, բայց հասուն մտքով գրում է. «Տես իրականությունը, նոր փորձի սիրել... Կինոների մեջ չես տեսնի ես բոլորը, ուղղակի դուրս արի տնից կեսգիշերին, երբ երևանը դադարում է թաքցնել: Քայլիր երկար, շնչիր խորը, նայիր ուշադիր, քաղաքը խոսում է: Ինձ հոգեհարազատ է իմ մեղավոր քաղաքը, ու ես իմ արմատները այստեղ եմ ձգելու»:

Բայց Շամբերն վերապահված էր լինելու մի ուրիշ աստղի նշանի տակ, որովհետև հայ լինելը, հայ գինվոր լինելը հենց այնպես չի լինում... Նա դառնում է մերօրյա պատերազմի վավերագրողը, և ի պատիվ իրեն ինքնաբերական գեղարվեստական վավերագրողը. «Հիմա մենք ենք կինոյի տղերքը, որոնց հույսով քնում ու արթնանում է մի ամբողջ ազգ»: Կամ «Սաղավարտը դարձել է մարմնի մաս, որից երագուն էինք ազատվել ու որով մեզ ապահով

էինք զգում: Ուշագրավ են նկարագրություններից բխող նրա գեղարվեստական ընդհանրացումները. փայլուն օրինակ է պատերազմի դաշտում վառվող նռնենու դրվագը, ապա և հետևությունը. «Տպավորություն է, որ ընկեր եմ կորցրել»: Շամբեր ենթագիտակցորեն Նռնենին դարձրել է կենաց սիմվոլ, որի պտուղը չհասցրեց ճաշակել... Կյանքի ու գաղափարի կռիվն է նրա մտքում, և շարքային գինվորից ծնվում է անմահը: Այո՛, ժամանակը մեզնից պահանջում է լինել հայրենյաց մահապարտ, որովհետև Հայ լինելը հենց այնպես չի լինում... Այս գիտակցումն ուներ Շամբեր, նրա հետ ու նրա մեզն՝ անպարտ հայրողիք... Առհասարակ սահմանային իրավիճակներում բացվում, սրվում են մարդու միտքն ու երևակայությունը, բայց գինվորի հուշագրերում չկա ոչ մի հորինում... Կյանքը վեր է հորինումից. կողքիդ պայթող նռնակներ են, արկեր, և վերջին փամփուշտն է դառնում ելք... «Փամփուշտները համեցի գրպանիցս ու տղերքին 1-1 հատով բաժանեցի՝ որպես երաշխիք հայրենի հողում հանգիստ քուն մտնելու համար...»: Սրանով հանդերձ Շամբեր օրագրային գրառումները բացահայտում են նրա ինքնատիպ լեզվանտածողությունն ու բացառիկ դիտողականությունը, իրավի-

ճակն ընկալելու խորագիտությունն ու նրբազգաց հոգին:

Ինքը մահվան դեմ է կռվել ու մահվան հետ ապրել, ու լույսերի մեջ է, նրա հետ՝ նաև իր գինակից ընկերները: Նրանց անունը Լեզոն է...

Սարառում է նրա տիեզերական խորը հիշեցումը. «Հայարտ եմ, որովհետև մեր հավերժությունը Աստծո ձեռքում է»:

Շամբեր Նավոյան, թևավոր, պատերազմի աստծո բարկության շանթարգել, փառքի թռչունը սավառում է բարձունքներում, իսկ կարոտի ու նվիրումի տատարակը ահա այստեղ է՝ իջել է մորդ փխրուն ուսին, որ այնպես ուզում է գրկել»:

Ռոզա ՀՈՎՅԱՆՆԻՍՅԱՆ



ԽՈՍՈՂԸ ԶԳԻՏԻ, ԻՄԱՅՈՂԸ ԶԻ ԽՈՍՈՒՄ...



Հարցազրույց ամերիկաբնակ հայ արձակագիր Մարգարիտ Դերանցի հետ

-Տիկին Մարգարիտ, ձեզ ճանաչում է հայ ընթերցողը, և արդեն ձեր գրքերը նաև սիրո են արժանացել: Ե՞րբ զգացիք, որ կարող եք ստեղծել տող, որին սպասում է ընթերցողը:

-Գրել սկսեցի հոգեբանական բարդ սահմանագծում, երբ լքեցի կյանքիս հարմարավետ գոտին, որը Հայրենիքն էր, թեկուզ դժվարություններով հանդերձ, հայտնվելով Միացյալ Նահանգներում՝ գավակներին հետ: Այն հայտնագործություն էր ինձ համար այնպես, որքան Քրիստոսը Կոլումբոսի համար նոր հայտնագործած «Հնդկաստանը»: Տարագրության անբուն գիշերներում լույս ծագեց՝ դա իմ գրելն էր: Այն ինքնաբացահայտում էր, ինքնաճանաչում և

կյանքիս կարևորագույն հրաշքներից մեկը: Չնայած դրան՝ այդ ժամանակ մտքիս ծայրով էլ չէի երագում ո՛չ գրքերի, ո՛չ ընթերցողների մասին: Այդ ամենը իրականություն դարձան շատ տարիներ հետո:

-Վերջերս լույս է տեսել ձեր «Սեր Լուսնեզրին» վեպը: Ինչպե՞ս ծնվեց այն, և ո՞րն է վեպի ասելիքը:

-«Սեր Լուսնեզրին» վեպը քառասունյա կնոջ կյանքն է մինչև 2020 թ. մայիսը, ԽՍՀՄ-ի քայքայման, դրա հետևանքով այնտեղ ապրող մարդկանց հոգևոր ցնցումների համատեքստում, մասնավորապես՝ պատերազմ, բլոկադա, սոցիալական թշվառություն անկախացած Հայաստանում, գոյության պայքար, զանգվածային տեղաշարժեր: Վեպի գլխավոր հերոսուհին միլիոնավոր մարդկանց պես դեռա-

հաս տարիքում ընտանիքի հետ արտագաղթում է Ռուսաստան, այնուհետև երիտասարդ տարիքում այնտեղից մեկնում է ԱՄՆ՝ բախտ որոնելու: Վեպը սոցիալ-հոգեբանական բովանդակություն ունի, որը հերոսուհու կյանքը դարձնում է գեղարվեստական անդրադարձ այն ցավոտ իրադարձություններին, որոնք տեղի են ունեցել աշխարհում այդ թվերին: Այն պատմում է Նահանգներում գլխավոր հերոսուհու և նարցիստական բնավորությամբ տաղանդավոր գրող-տղամարդու տասը տարի տևող սիրո ու ատելության հարաբերությունների մասին: Կարելի է ասել, որ վեպը խոսում է սիրո մասին «ամբողջի», համայն աշխարհի ուսման կի միջով: Գրավիչ, հետաքրքիր, բուռն գործողություններին զուգահեռ վեպում ընթանում է նաև երիտասարդ կնոջ անցած կյանքի խոհափիլիսոփայական հիշողությունները Հայաստանի, Ռուսաստանի մասին, ուր ընթերցողին ներկայացնում է հերոսուհու մանկությունը, նրա ընտանիքի, հարազատների պայքարը օտարության մեջ գոյատևելու, չկործանվելու մասին, սեփական ինքնության տքնաջան որոնումը:

իր մեջ կրող մարդը նաև կրողն է չարիքի ու արատների, ուստի աշխարհը փոխելու առաջին քայլը մարդու ինքնահաղթահարումն է հավերժական արժեքների միջոցով, որոնք են Սերը, Կարեկցանքը, Գթասրտությունը:

«Սեր Լուսնեզրին» վեպը սիրային, բազմաշերտ հոգեբանական վեպ է աշխարհում տղամարդկին ճակատագրական հարաբերությունների, մարդու և Հայրենիքի բարձր իդեալների, նաև ժամանակակից արագընթաց աշխարհում անհատի օտարացման, անկումների, կործանման մասին: Աստծո արքայությունը

-Սիրո գիծը ձեր ստեղծագործություններում տարբեր ուղղություններով է ընթանում: Ինչպե՞ս է ստացվում, որ այն դարձնում եք իրական, շոշափելի, բայց միևնույն ժամանակ՝ համեստ ու չափավոր:

-Հավիավորությունը և համեստությունը մարդկային այն հատկություններն են, որ բարձր են գնահատում կյանքում, բայց այս հատկությունները հակացուցված են ճշմարիտ, բարձր գրականության համար: Այն նշանավորը և հետաքրքիրը, ինչ վիճակվել է դիտել կյանքում, «անչափ»-ն է, տղամարդու և կնոջ սիրո իրարամերժ, տարօրինակ դրսևորումներն են: Ամենավեհ արժեքների մասին կարելի է գրել շինծու, կեղծ, գռեհիկ: Եվ մարմնի սիրատենչ կանչի, կրքի մասին կարելի է գրել ոչ միայն գեղագիտորեն բարեկիրթ կանանկեղծ, այլև կարելի է այն վերածել գեղարվեստական ոգեղենիկ, բառային կերտվածքի: Մեր փառահեղ հայոց լեզուն անսպառ հնարավորություններ է տալիս: Սա գրողի ձգտումն ու ըղձանքն է:

Սիրուց ատելության ուղին շրջադարձն է դրախտից դեպի դժոխք: Ատելությունը խելագարության պոռթկումն է, ոչնչա-


ցումն ու ինքնառնչացումը, նրա մագիլներում մեռնում է Սերը: Այնուհանդերձ գրքերիս մեջ լույսով ծածկվում է մութը, ատելության փլատակների վրա բացվում հույսի ծաղիկը: Օրինակ՝ «Սեր Լուսնեզրին» վեպի հերոսուհին Սեզգի Սամույլան անգամ առերևույթ ու ակնառու պարտությամբ կարողանում է հաղթել ինքն իրեն, հետևաբար կյանքին ու ճակատագրին:

-«Այս արագընթաց աշխարհում կինը շատ բան ունի անելու», հարցազրույցներից մեկի ժամանակ ասել եք դուք: Ամենաշատը ո՞ր հարցերում է թերանում կինը:

-Կինը մայր է, դուստր, տատիկ, քույր, բարեկամուհի, աշխատակցուհի, մասնագետ, քաղաքացի: Փորձում ենք չթերանալ ոչ մի կոչման մեջ, որը թերևս անհնար է...

44-օրյա պատերազմին, հատկապես պարտությունից հետո, մեր կանայք, մայրերը ծանրագույն օրեր են անցել: Թող ապրելու գործությունը իշխի մեր ժողովրդի վրա, ապավինենք Տիրոջ գթառատությանը, ամեն բացվող օր ընդունենք որպես շնորհատու քաղցրություն: Այս դժնդակ օրերում, իրարամերժ աղմուկի մեջ այնքան կարևոր են կանանց ներքին լույսը, սերն ու կարեկցանքը, որ սպեղանի և մխիթարություն կբերեն խառնաշփոթ, քառասային մեր հասարակությանը:

Զրուցեց
Վոլա ԱՐՁՈՒՄԱՆՅԱՆԸ



ԳԵՎՈՐԳ ԹՈՒՄԱՆՅԱՆ

Առաջին գիրքս տպագրվել է արդեն հեռավոր 2003 թ.-ին, երբ բավականին ջախել էի: Նախքան գիրք ունենալը եղ ինչպես էի տանջվում, մտահոգվում, գրածս բանաստեղծություններն արդեն խեղդում էին ինձ և անպայման ցանկանում էին ներկայանալ հավաք տեսքով՝ մեկտեղ, ինձանից դուրս: Գիրք ունենալը էն ժամանակներում համարյա բանկ հաճույք էր, և շատ քչերն էին եղ սին հաճույքը վայելում:

ստեղծագործողներին և հետազոտողներին» դրամաշնորհային ծրագրի շրջանակներում:

Ինչևէ, տարիները գլորվեցին, ու տասնութ տարվա մեջ հրատարակեցի վեց գիրք, այսինքն՝ երեք տարին մեկ՝ մի գիրք, ինչը քանակի առումով էնքան էլ վատ չէ, կարևորը ես իմ չափը գիտեմ և ամեն տարի գիրք չեմ թխում:

ախագրություն

ավել բանաստեղծություն մահվան գնացողները ողջունում են քեզ ախ

արհեստական շնչառության ոչ մի սարք այլևս չի փրկի իմ գառամյալ մուսային ախ

ջահել մուսաներ ոգեղեն մի նպաստ ողորմացեք ներշնչանքը կորցրած բանաստեղծին ախ

հիսուն միլիոն տարի հետո տեսնես գոնե մեկ ընթերցող կունենա՞մ ախ

եթե բանաստեղծությունները գրվեին և անմիջապես չքվեին գրվեին և անմիջապես չքվեին տեսնես քանի՞ հոգի կգրեին ախ

փառահեղ բոյս տեսնելով ևս մի ընթերցող խոստովանեց

թե ինձ կարճահասակ եր պատկերացնում ախ

հեյ գիտի ժամանակներ առաջ ես էի ասում մի խոնփցրու մի խոնփցրու հիմա ինձ են ասում ախ

ոչ մի ոչ մի ոչ մի ոչ մի ոչ մի գրչակ գրամուլ երկրորդական երրորդական բանաստեղծ գլխի չընկավ որ էս օրերին կարելի էր հանգիստ խղճով ոտները տնկել ախր ախր ախր ախր ախր տարիներ հետո կգրեին էս ինչ բանաստեղծ մահացավ էն օրերին երբ կորոնավիրուսն էր ստեղծագործում ես ես ես ես կնեռնեի բայց էրեխեքս ախր ախր ախր ախր ախր փոքր են շատ համ էլ համ էլ համ էլ համ էլ ես թքած ունեմ ախ

մենակ մնացած հորս հետ մեկ օրով առանձնանալու նպատակով մեր տնից մերոնց գնացի մոտավորապես 5-6 կմ

ճանապարհ ձևաթուղթն իհարկե նախօրոք լրացրել էի և անձնագիրս էլ ծոցագրպանումս էր ոչ մի ուստիկան չկար և ոչ ոք չհարցրեց յո՞ւ երթաս զավակս էս ամառի քաղաքով ախ

այ հեր կապույտ վագի դեղերը օրական երեք անգամ մեկ կոճակ սպիտակ վագինը նորից երեք անգամ բայց երկու կոճակ չէ ուշադիր լսե վագերի տակ նկարել եմ կապույտը մեկ կոճակ սպիտակը երկու չէ ճնշմանը արդեն խմել ես չէ չէ չէ սպիտակը երկու կապույտը մեկ բայց երկուսն էլ երեք չէ կապույտինը երկու հատ չխմես սպիտակինը պիտի խմես չէ ճնշմանը երեկոյան պիտի խմես այ հեր կողքի պառկի սրսկեմ աչքի կաթիլները չմոռանաս ախ

համենայնդեպս կնոջս ասեցի աշխատավարձիս քարտի կողք ախ

էս շոգին հա խմում եմ խմում իհարկե օդի շոգը չգիտեմ ինչու չի նահանջում ախ

անքնություն էի էս վերևի Գայանն ինչը կապրի կինս թե ընչի՞ ընչի ընչի լրիվ պառվցել է մոտը եկող էլ չունի ախ

նրա բանաստեղծությունը սկզբից թարգմանվեց այբերեն հետո այբերենից թարգմանվեց բեներեն այնուհետև բեներենից մի քանի հոգի թարգմանեցին այն գիմերեն որոշ ժամանակ անց գիմերեն իմացող միակ դա բանաստեղծը այն թարգմանեց դաերեն դաերենից թարգմանվեց եչերեն եչերենից գաերեն գաերենից երերեն երերենից ըթերեն ըթերենից թոերեն

.....

ուերենից փյուրերեն փյուրերենից քեերեն տարիներ անց աշխարհահռչակ բանաստեղծը ամենկին չճանաչելով իր անուն-ազգանունը իր անառակ որդի-բանաստեղծությունը այն թարգմանեց բնագրով և նախանձից մեռավ ախ

զարմանալի է իմ համարյա բոլոր գործերի տակ կարելի է հանգիստ գրել ախ



ՀՈԳՈՒ ՍԱՐՍՈՒՌՆԵՐ

...Ու երգս տառ առ տառ հյուսված Շիրակի հանդերձից ոսկեզեղմ... Հարություն Սարգսյան

Նա է, իր բառերով «Շիրակցի հայածին առյուծ բանաստեղծը»: Վեհություն կա տողերի մեջ, հոգու խռովք ու հավատ: Ինքնագոհություն, որ առաջին հերթին որդուն դեպի հաղթանակ, դեպի հայ հողի փրկություն ճանապարհելու գուսպ հպարտությունն է. «Հերոսացի, որդիս, առյուծ մնա գրեղ...»:

Հարություն Սարգսյանի «Հոգու սարսուռներ» գրքի շարքերից առաջինը՝ ժողովածուի համանուն վերնագրով, իրապես հայ հոգու արդիական սարսուռներն են մերթ քաղվակին կոչելով դեպի հայրենիքի փրկության, մերթ մատնացույց անելով հայ հոգեկերտվածքի վեհության խորհրդանիշ Մասիսի ճերմակ անաղարտությունը, մերթ էլ, ինչպես բնականաբար եղել է հայ իրականության, ապա նաև՝ գրականության նման շրջաններում, ոգեկոչումը անցյալի պայքարի,

հաղթանակների, գեներտիկ ուժի՝ հավատով լեցուն: Հատկապես ուշագրավ են Վահրամ Պահլավունի իշխանին, Սարմաշենին ու Վահրամաբերդին ծնված բանաստեղծությունները, որոնք հայրենասիրական ամբողջական էջի վրա առանձնանում են որպես մեկ պատահիկ սիրո՝ մոր սիրո չափ, հերոսացման, հավատի և ուժի, հավատ, որ «Լողողը կդառնա թռչող թևերով, // Սևահից Վանա լիճը կլողա, // Նա ետ կբերի Անին ու Դարսը, // Մասիսը հայից օտար չի դառնա»: Իսկ որտե՞ղ է այս վստահության ակունքը. պատասխանը կրկին հեղինակի տողերում է. «Հայն իր սրտի մոտը աղոթքով է վառում, // Թեկուզ լինի գլխին օտար սարի»:

Եվ ցավոտ, այլևս բաց վերքը հայ հոգու՝ Շուշի: Ջարմանալի կլինեք, եթե բանաստեղծը չխոսեր իր տեսակի հայի երակի վրա մնացած չապաքինվող, դեռ չսպիացած այս վերքի մասին. «Քեզ՝ վիրավոր իմ հող, // Իմ սրտից են պոկել...», նաև՝ «Իմ Շուշին», «Հող իմ, ես էլ քեզ պես», «Ճերմակ-ճերմակ...», «Վերջին մարտը» բանաստեղծություններում, որոնցում, հեղինակի իսկ խոսքերով, «...արմատախոր վերքերից խորունկ հազարամուտ է վրեժը ազգի...»: Սակայն, այս ամենով հանդերձ, գրողի բոլոր մտքերում առկա է հաղթության ոգին, ինչպես ինքն է ասում, հաղթով տուն են դառնում, կամ... հաղթով հասնում են երկինք... Այստեղ հայի պատմությունն է այսօր և երեկ, այստեղ բողոքն է առ Աստված, ամենայն բողոքը՝ կրկին խորին հավատով աներեր: Եվ բնականաբար, մարտադաշտ, խրամատ, կարոտ, արմատոր ընկերներ ու զավակներ, վրեժի, հատուցման անհազ ծարավ ու... հավատ... հավատ՝ «Մի օր կարծվանամ» մեծախորհուրդ կարգա-

խոսով: Հետո լուռ թախծոն է կաթնթուն բանաստեղծի հորինված կամ իրական անդունդում /«Հորինված անդունդ» շարք/, ու կաթիլի ծայնն անգամ լսելի է: «Կանգ առ, ժամանակ». գուցե թե սա է այս շարքի բարձրակետը, որի շուրջը բզզում է մարդկային լուռ տխրությունը, երբեմն լռությունն անգամ ու թախծոն կանա /«Այնպես կուզեմ», «Կանգ առ, ժամանակ» և այլ գործեր/, որ ծորում է մելամաղձոտ երագներից, որ ակունքվում է հարթմանի կյանքից՝ անխուսափելիորեն իրական-իրական: Սկիզբը կամ ավարտը պայծառ լուսաբացի երագանքի:

Եթե առաջին մասում գրողի սերն է առ հայրենին, ապա երկրորդում ինքը գրողն է՝ ինքնաճանաչման հայտով. նա, առանց ավելորդ ծեծծեքունների, բաց տեքստով անցնում է ինքնաորոնման բարդ ճանապարհով՝ բացելով հոգու բոլոր խորխորատները՝ երբեմն մի տեսակ լռին հոգնությանը, երբեմն ասես սպասումների խորտակվող նավով, երբեմն էլ՝ հուսալքությանը, մեղության, ներամոտիվելու անձայն ձգտումով: Բանաստեղծն է՝ աչքը գյուղի վանքի գմբեթի քիվին, հոգին հայրենիքին, հավատը՝ ծխախոտի ծայրին... «Գրկիր ինձ, մեղուկներ, քո անսահման մթնով, // Ձերն պարուրիր հոգիս անդորրությամբ քո տաք...»: Եվ նա՝ Կինը՝ այնքան իրական: Անկունային տրամադրությանը բնականորեն հաջորդում է առավտոր՝ թեկուզ «սպառված»:

Առանձին նկար-պատկեր է հեղինակի՝ մորը ծնված բանաստեղծություններից մեկը՝ «Մորս աղոթք» վերնագրով: Խաղաղ-կուն քամուց թրթռացող մոմեր, կերոնը վառողի դողացող ձեռք ու համահունչ դողացող աղոթք,

իսկ հավատը, հավատը վերջնամասում. «Խոստացա՞վ Աստված խեղճ մորս, // Որ կռվից տուն կգա որդին...»: Կրկին մայր, խտացած սեր, խտացած հավատ, խտացած-մոմահոտ հայացք առ երկինք, որին տրամաբանորեն հետևում է զավակի աղոթքն առ Մայրը:

Եվ մեկ բանաստեղծություն «Հաջողադրամ», հաջողադրամ... Հեղինակն ասես օտար աչքերից թաքցնելու նպատակով, փակագծերում է շջջում մեծագույն գաղտնիքը. «...Նա երբեք ու ոչ մի անգամ ինձ չդառնավ»: Հոգեբանորեն ազդեցիկ, պատմողի վարպետությամբ, կշռությամբ մոտեցնելի հավասարաթեք կամ պոեմի ուժով այս ստեղծագործությունը գալիս է իբրև ընդհանրացում-ամփոփում բանաստեղծի՝ այնքան համաչափորեն ես-ի բացահայտման, այստեղ ապրումներն են այնօրեական և այսօրեական, հուշերն ու կարոտները, կորստի ցավը, և պարզության մեջ գեղեցիկ է ամեն ինչ:

«Ոսկեփեշ արտերի երգը»: «Մի կարոտ, մի զեփյուռ, մի գարուն». բանաստեղծը, բնությունը, սերը, հոգեվիճակը, տրամադրությունը. շարքերի միջև ներքին կապը անժխտելի է, ամբողջին գունարվում է նաև սերն առ բերրի ու կույս մայր հողը. «Խոսպան էիր, հող իմ, ինչպես մի կույս փերի, // Հարս ես դարձել հիմա՝ ոսկեշրթեր հագած...»: Եվ հողի նկատմամբ զուլալ սերը ի վերջո վերածվում է մաքրամաքուր աղոթքի. «Արտ իմ, լույսով դու լցվիր, // Ծեգին քեզ են աղոթել»:

Բնությանն առիավետ կապված՝ փոխվում է մարդը, այս անգամ մեծ առումով, և ապրված է գրքում ներկայացվող իրականությունը: Ի վերջո, սա ինքը պոեզիան է՝ գյուղական մաքուր կոլորիտով, մարդու հոգևոր հարս-

տությամբ, տագնապներով: Մի իրականություն, որ, ցավոք, խաթարվել, խաթարվում է արտաքին ազդակների ներգործությունից, ինչը պետք է անմիջականորեն երևակվեր բանաստեղծի տողերում:

Եվ մեր կողմից առանձնացված ևս մեկ ստեղծագործություն. «Իջնեմ Արփաչայի ափին...»: Բակունցյան հնձանը, այս անգամ չափածո, սերը՝ մաքուր, անոթխած աստղերի պես, սերը՝ կիսատ, գուցե շարունակելի, բայց տաք-ամաղարտ: Հովվերգության կատարյալ մի պատկեր, այս ամենին գունարվում է նաև սահյանական բանաստեղծական շունչը, և պոեզիան իր վերջնական տեսքն է ստանում Հարություն Սարգսյանի ժողովածուում /«Պարեց աշնան քամին», «Գիշեր», «Ժայռի ցավը» ստեղծագործությունները/:

«Կարմիր թագուհի» շարքը կրկին սիրո ու սիրո կորստի, ամենամարդկային ցավի շարքն է, որտեղ հետաքրքիր են սահուն թե՛ տողերը, թե՛ լռությունն անգամ չասված բառերի. «Ո՞ր ես, հոգիս, կարոտել եմ աչքերիդ...»:

Եվ եթե ընդհանրացնելու լինենք, ապա գիրքն ինքը հեղինակն է, և գրքում մեր օրերի մարդն է՝ ապրված իրականության, հույզերի ու զգացողությունների, զգացմունքների մի հյուսածո՝ մի կողմից, մյուս կողմից՝ հայրենիքի, բնության, հող ու քրի անքակտելի կապը, ինքնատիպ ազդեցությունը նրա ես-ի, հոգևոր ներաշխարհի, անկունների ու վերելքների վրա:

Կարինե ՄԱՐՏԻՐՈՍՅԱՆ
Բան. գիտ. թեկնածու, դոցենտ

Գուրգեն ՀԱՐՈՒԹՅՈՒՆՅԱՆ

Տասու կռիվն էր անհոնում,
Ծեր հայացքն էր հեծվին գցում,
Հույսի հուրը բարկ:

Վերջացել էր կռիվ ու քաղց,
Ո՞նց թե որդին «անհայտ կորած»,
Անե՞ղ էր բարակ:

Չէր էլ ուզում տանը պառկել,
Ախր որդին դարձած պատկեր՝
Նայում էր պատից:

Գիրկն առնելով գնում անվերջ,
Հայրիկիս էր փնտրում իմ մեջ
Հայացքը տատիս:

-Ես անտերն էլ թունդ տեղից է,-
Խաբում էր, թե բռնորոց է
Արցունքը գալիս:

Տարիքի հետ տատս էլ անցավ,
Այն ամենը մոր հասկացա.
Ես մոր եմ լալիս:

ԿՈՒՐԱՅԵԼ Ե ՊԱՏՈՒՎԱՆ

Կուրացել է պատուհանս,
Ո՛չ լույս կա, ո՛չ հույս,
Մայրս արդեն պատուհանից
Էլ չի նայում դուրս:

Տեսներ գալով՝ դուռն էր բացում
Մի քիչ թթվադեմ,
Ինձ տեսնելով՝ մայրս ներքուստ
Ուրախ էր արդեն:

Ներս առնելով քար էր աղում

Իմ գլխին՝ քամի,
Թե ինչու՞ եմ ես տուն գալիս
Այսքան ուշ ժամի:

«Ի՞նչ գործ ունի խելոք մարդը
Այս ժամին դրսում,
Չես էլ հիշում մայրդ արթուն
Քեզ է սպասում»:

Դուրս եմ հանում ուշացումով
Բանալին մեր տան,
Գուցե մայրս դուռը բացի...
Հրաշքներ չկա՞մ:

Մթնահատակ մղումներով
Պրկված եմ, ինքնալեցուն
Եվ ճաքճված տաք շուրթերով
Աղոթում եմ վերն Աստծուն:

Մեղսագերծված հոգով հիմա
Էլ դաշն չեմ աշխարհի հետ,
Այս վիճակում ամենօրյա
Դեռ չեմ դարձել... վերջնական
խենթ...

ՆԻՏԱԿ ՔԱՄԻՆ

Քամին էլ հաստատ բանաստեղծ է մի,
Երգում է անտես ամենքիս
համար,
Շիտակ է ինչպես շողը արևի,
Չես ծռի քամուն ձևով
քեզ հարմար:

Մեկ մեղմանում է, մեկ էլ
փոթորկվում,
Նա չի որոնում ո՛չ փառք,
ո՛չ անուն,
Երբեմն ամպի վազքը փակելով՝
Գուցե և բարի գործեր է անում:

Չէ՛, քամի՛, հաստատ բանաստեղծ
ես դու,
Բանաստեղծական խենթություն-
ներով,
Որտե՞ղ չես լինում, ինչե՛ր չես
անում՝
Երբեք ինքդ քեզ չխնայելով:

Ես խղճում եմ քեզ, բայց և
նախանձում,
Որ դու, գլուխդ էլ փշրելով
պատին,
Փնտրում ես անվերջ քո
ինքնությունը-
Գուցե և մի օր հասնես հավա-
տիդ...

Քամի՛, դու միշտ էլ դեկ ես
ամպերին,
Քո կյանքի դերը խաղում ես
դրսում,
Քամի՛, մնամ ես եղանակներին
Դու ո՛չ շոգում ես և ո՛չ էլ մրսում:

ԽԱՐԱԿԱՆ ՈՐԲՈՒՎԻՆ

1.
Արցունք ես համակ
Այրումով անվերջ,
Սեղմում է սիրտս
Ձղջուկը քո խեղճ:

Ասես թե լինես
Ավերված ավար,
Քանդ ու քարափ է
Սրտունդ խավար:

Թարմ հուշիդ վիշտն է
Սրտիդ ծանրացել,
Դաժանությունն է
Քո դեմ ծառացել:

Չէ՞ որ դու լողալ

Չգիտեիր, խենթ,
Առում չտեսած՝
Ծով մտար, անգետ:

2.
Փախել եկել ես ինձ մոտ,
Վախ միայնակի,
Նորից չգամ, չտաննեմ
Գուրը դժոխքի...

Քեզ կպահեմ ես ինձ մոտ,
Հապա թող փորձեն...
Ստվերիդ էլ թե մոտ գամ,
Պիտի հատուցնեմ:

Խորին ցավ է՝ մայր չունես,
Որ քեզ ամոքի,
Շատերն են թուրք աշխարհում՝
Անխիղճ, անհոգի:

Ծվարել ես գրկիս մեջ,
Ի՞նչ հարցնեմ ես,
Անխղճորեն լլկել եմ,
Անարգել եմ քեզ:

Խաղաղ մնա գրկիս մեջ,
Աչքդ չթաքցվի,
Թող ափերս չլիզեմ
Արցունքդ լացի:

Քեզ կպահեմ, կսփոփեմ
Աղջկաս հանգույն,
Միշտ չես մնա մոլորված,
Չահել ես, սիրուն:

Ժամանակն է միշտ հարթում
Մխալը կյանքի,
Քեզ էլ, քեզ էլ կբուժի,
Ուժ կտա կամքի:

Կարծես թե կա,
Բայց չի ծագում արևը,

Հեռվում կայծակ,
Ու չի թափվում անձրև:
Անհամբեր ես,
Սպասում ես հրաշքի՞,
Այդ դու էիր՝
Երևացիր իմ աչքին:

ԹԵՎԱՎՈՐՆԵՐ

Թևավորները նախանձ են
շարժում,
Չունեն անձնագիր (այդ հոգսից
դուրս են),
Եվ հողագունդն է հայրենիքն
իրենց,
Որտեղ հարմար է՝ բույներ
կիյուսեն:
Հարկեր չեն մուծում թռչքի
համար,
Պարիսպ-պատմեչից գաղափար
չունեն,
Համայնական է երկնի եթերը,
Անհատույց, անվարձ միշտ թռչք
ունեն:

ՔԱՄԻՆ

Ավազակի պես և ոչ մարդկային
Դուռս կրկին բաց արեց քամին,
Ավար է փնտրում
Ի՞նչ տանի տանից,
Իսկ քամու համար
Ի՞նչն է պիտանի...

Հոգսս թող տանի, թախիծս մոլոր,
Կիսատ ու լրիվ երեգերս բոլոր,
Տառապած սերս՝ սին ու անբերրի,
Միայն պայմանով, որ հետ չբերի:
Քամի՛, տար խիղճս՝ իմ
մտերմուհուն,
Հիշողությունս՝ մնամ առանց
հուն,
Տար ունեցածս, չեմ առարկի ես,
Եվ դու դատարկը հեշտ կթոցնես:

ԽՈՐՀՐԳՎՆՇՎՆՆԵՐ ԽՈՐՀՐԳՎԿԱՐԳԵՐ

Մարդը ապրում է երկու աշխարհների միջև... Խոսքի միջոցով իրական աշխարհին է, իսկ երկրորդը մարդածին է՝ խորհրդանշանների աշխարհը:

Փորձենք վերլուծել հին աշխարհում լայնորեն տարածված կարևորագույն սյուժեների որոշակի խմբեր, որոնք արտացոլում են, այսպես կոչված, տիեզերական աղետի առասպելը:

Նախնադարյան պատկերացմամբ երկիրն ու երկինքը, օվկիանոսն ու ծովը, տիեզերքն ու անդրաշխարհը համընդհանուր մի երևույթի տարբեր մասեր էին:

Նախնադարի մարդիկ, իրենց ժամանակին ու մակարդակին համապատասխան, բավականաչափ պատկերացում ունեին երկրի ու երկնքի մասին, գերազանց կողմնորոշվում էին տեղանքում, գիտեին արևի ու լուսնի պտույտը, մոլորակների ու աստղերի շարժը, գաղափար ունեին կենդանական մարի, տարվա եղանակների ու ամիսների մասին:

Երկինքն ու երկիրը դիտարկելու տասնյակ հազարամյակների արդյունքում, երբ նրա բնական վայրը մայր հողն էր, տանիքը երկնականն էր, ստեղծվում էր գեոմետրիայի աստղագրությունը:

Խորհրդանշանի կողմ է, ծածկագիր, որը ստեղծվել է մարդկային կյանքի համընդհանուր կենսաբանական և հոգեբանական հիմքի վրա, որպես մտավոր ու հոգևոր հաղորդակցման միասնական պատկեր:

Խորհրդանշանի ընկալումը նաև անհատական է՝ պատմական կենսահոգեբանական, մտավոր ներուճակայինների հետևանք: Այն ներդաշնակում է գիտակցականի և ենթագիտակցականի ազդեցությունները, բնագրային և հոգևոր ուժերը, որոնք ցանկացած մարդու մտակառույցում պայթարում են միմյանց դեմ կամ գտնվում հաշտության հավերժական ճանապարհին:

Միևնույն խորհրդանշանը կարող է ունենալ բազմաբնույթ կիրառություն և կրել էզոթերիկ (ծածուկ) և էկզոթերիկ (իրապարակային) բնույթ: Խորհրդանշանը բացահայտում է՝ թաքցնելով կամ թաքցնում բացայտելով այնպես, որ զգացմունքը կարողանում է ըմբռնել թե՛ մեկը, թե՛ մյուսը: Սիմվոլը լեզուն է, մարդկային հայտնի բոլոր լեզուներից ամենահամակողմանին ու ամենահզորը: Խորհրդանշանները դասակարգվում են հետևյալ խորհրդակարգերի՝ երկրաչափական խորհրդակարգ, Կենդանիների խորհրդակարգ, Թռչունների խորհրդակարգ, Բույսերի խորհրդակարգ, Քարերի խորհրդակարգ:

Երկրաչափական խորհրդանշանները նախնական ընկալումների, դիցաբանական մտածողության արդյունք են, որոնց միջոցով մարդը փորձել է բացատրել իրերի և երևույթների ներքին կարգն ու բնույթը, նրանց փոխադարձ կապը, հերթականությունը, շարժման ուղղությունը, ներդաշնակությունը, ժխտումը, փոխակերպումը, տեղաշարժումը և այլնայնությունը:

Երկրաչափական բազմաթիվ խորհրդանշաններ՝ պարույրը, սվաստիկան, շրջանը, կիսալուսինը... փիլիսոփայական, ալքիմիական, աստղագիտական գիտությունների հիմնարար հասկացություններից են:

Երկրաչափությունը գոյանում է անշարժ շարունակական քանակից: Անշարժ է շարժման հիմքը, որովհետև ամեն ինչ պատրաստ է շարժվելու, շարժումը սկիզբ է առնում դադարից ու անշարժից: Երկրաչափական խորհրդանշաններն օժտված են հուզականությամբ ու շարժմամբ, որոնց ուղեկցությամբ ի հայտ է գալիս գաղտնագրությունը իմաստությունը՝ բազմաշառանգականությամբ:

Կենդանիների պաշտամունքի նախնական դրսևորումը գիտության մեջ անվանվում է տոտեմիզմ: Տոտեմն այս կամ այն կենդանին

կամ բույսն է, որն ընկալվում է որպես էտալոն, որը կարող է խորհրդանշել անվտանգություն, բարեկեցություն և որոշակի բնավորություն՝ ընդհանուր առմամբ և յուրաքանչյուր անհատի նկատմամբ վերցրած:

Խորհրդակարգում կենդանիների դասակարգման առավել հիմնավոր և համընդհանուր ճանաչում գտած տեսակետը կապված է բնության նախաստեղծ չորս տարրերի՝ հողի, ջրի, օդի և կրակի հետ:

Ստացածին կենդանիների խորհրդակարգը կապված է բնության երևույթների (ջրհեղեղ, երկրաշարժ, հրդեհ, փոթորիկ, կայծակ) հաղթահարելու և հնազանդեցնելու մարդու երևակայական պայքարի հետ:

Խորհրդանշանային մտածողության բարձրագույն աստիճանը ալքիմիան է՝ չավարտված մի գիտություն, որի գերխնդիրն է ներթափանցել «գոյի կենտրոնը» և իրականացնել տիեզերքի «քիմիական մոդելի ստեղծումը»: Ալքիմիկոսն իր փորձառնություն փորձում է վերարտադրել աշխարհաստեղծ գործընթացի մոդելները, տիեզերքի կառուցվածքը: Ալքիմիայի հիմքում միկրո և մակրո տիեզերքների սուբստանցիայի՝ փոխակերպվելու և անընդհատ նոր ձևեր առաջացնելու հատկությամբ օժտված հիմնանյութի մասին հնագույն պատկերացումն է: Աշխարհի բոլոր գոյացությունները ըստ այդ տեսության առաջացել են նախաստեղծ չորս տարրերի՝ հող, ջուր, օդ, կրակ, իսկ հետագայում նաև մետաղ ու երեք հոգևոր համարվող տարրերի՝ աղ, ծծումբ, սնդիկ զուգորդությամբ ու փոխակերպմամբ: Չորս նախաստեղծ տարրերից է կազմված նաև միկրոտիեզերքը մարդը:

Ալքիմիայում խորհրդանշաններն ունեն երկու հիմնական գործառնություն. ծառայում են մտքին հաղորդակից գաղտնիքը ծածկագրելու համար, իմացության միջոց են ու ճանապարհ դեպի ճշմարտություն:

Թռչունների խորհրդակարգ երկնքում թևելու կարողությամբ օժտված թռչունները մրամնավորում են երկրային ծանրությունից ազատվելու, ամենաբարկ ուղղությունը բարձրանալու, անսահման ազատության հասնելու մարդու այդպես էլ չիրականացվող ձգտումը:

Բանահյուսական ու դիցաբանական ընկալումներում թռչունը խորհրդանշում է դրականը՝ ուրախություն, անսահման երևակայություն, հոգևոր բարձունք, ոգեկոչում, մաքրագործում: Թռչունն առաջին հերթին զուգորդվում է երկնքի և նրա բաղկացուցիչների՝ արև, լուսին, աստղեր տիեզերական հասկացության հետ:

Կյանքի շարունակության խորհրդանշանը թռչունը մարմնավորում է ձվի խորհրդանշանի հետ: Ինչպես ծուն, այնպես էլ հատիկը խորհրդանշում են կյանքի նախաստեղծ գոյածը, արարման սկզբունքը: Թռչունը նաև հոգու խորհրդանշանն է, որը մարմնավորում է գերբնական ուժ, անխոցելիություն, անպարտելիություն, հավատարմություն և այլ հատկանիշներ:

Չավատարմության գեղեցիկ ու ցայտուն օրինակ է արագիլների պահվածքը, որով բնությունը օժտել է նրանց: Արագիլների ուխտը անխախտ է: Երբ երիտասարդ արու արագիլը սկսում է սիրահետել էգին, նա որպես իրենց հավերժական միաբանության խորհրդանշան ընտրում է շրջակայքի ամենագեղեցիկ, նախշուն ու փոքր քարը և կտուցով նվեր մատուցում արդեն իսկ համաձայնության նշաններ ցույց տված էգին (որպես նշանադրության մատանի): Այն ընդմիջտ տեղադրվում է նրանց համատեղ կառուցվելիք բնում դառնալով հիմնաքար:

Գույնը թռչունների խորհրդակարգին նոր լրացուցիչ իմաստ է հաղորդում: Այն ունի նաև տարբերակիչ հատկություն. սպիտակ կենդանիներ զոհաբերվում էին բարի, սևերը՝ չար աստվածներին: Թռչունը ալքիմիայում մարմնավորում է աշխուժացող ուժերը: Թռչունի դիրքն օգնում է հասկանալ նրա կերպարի իմաստը: Թռչունը, որպես հոգու, բարձրագույն իմացությունների, աստվածային կամքի դրսևորման, կանխագուշակումների, ուրախության, մտքի, երևակայության, մահվան և անմահության, կերպարանափոխության և համանման այլ խորհրդանշաններ՝ ընդգրկում և անփոխարինելի տեղ ունի մշակույթի և արվեստի բոլոր ժանրերում:

Բույսերի խորհրդակարգ Բուսականությունը՝ որպես կենսունակության ու գոյության նախապայման, օրինաչափորեն համարվում է մարդու երկրագույնում ու պաշտամունքի առարկա: Բուսականությունը մեռնող-հառնող դիցաբանական հասկացության նախատիպն է, կյանքի շարունակական, անընդհատ վերանորոգվող հավերժական շրջապտույտը:

Խորհրդակարգում հիմնարար նշանակություն ունի ծաղկաբույսի և գույնի հարաբերակցությունը: Այստեղ ամենամեծ տեղը հատկացված է կանաչին՝ որպես բնության, կյանքի խորհրդանիշ: Ընդունված է այն կարծիքը, որ կանաչը միավորում է մտապաշարի սառը կապույտը՝ արևի դեղին զգացմունքային տաքության հետ, որպեսզի ի հայտ բերի իմաստությունը, մաքրագործումը, հույսը, հավատը, կյանքի նշանակալից նորոգությունը: Ծաղկի խորհրդակարգում որոշիչ դեր ունի ոչ միայն գույնը, այլև հոտը, կառուցվածքը, ծաղկաթերթերի քանակը և արտաքին այլ հատկանիշներ: Ալքիմիայում սպիտակ ծաղիկն արծաթն է, կարմիրը՝ ոսկին, կապույտը՝ տիեզերքը և տիեզերական ձվից աճող իմաստությունը: Ծաղկի խորհրդակարգում առանձնակի նշանակություն ունեն ոչ միայն արտաքին հատկանիշները և բուսական գործառնությունները, այլ նաև նրանց մեջ պարունակվող բուժական և հոգեորոպիկ հատկանիշները:

Ծառը տեղադրվեց տիեզերքի կենտրոնում վերաբծեցավորվելով որպես համաշխարհային առանցք, որն իրար է կապում վերի և վարի աշխարհները: Ծառի հետ կապված է նաև դիցաբանական մտածողության և աշխարհի եռաչափ ընկալումը՝ անդրաշ-

խարի, երկիր, երկինք: Եվ նույն սկզբունքով՝ անցյալ, ներկա, ապագա հասկացությունները:

Քարերի խորհրդակարգ Քարերը, ժայռերը, ի տարբերություն մարդու ծերացող, մեռնող և անհետացող մարմնի, ամրության, երկարակեցության և հավերժության խորհրդանիշեր են: Որոշ քարեր մարմնավորում են տիեզերքի արարչական ուժերը, ինչպես մարջանը՝ ջրային աշխարհը, մագնիսաքարը՝ տիեզերական ուժերի, երկնային լուսատուների ու մոլորակների շարժման կերպարանափոխությունը, ուժը, իշխանությունը: Լաջվարդի մուգ կապտավուն գույնը խորհրդանշում է քարի երկնային ծագումը և բնության Աստվածային ուժի մարմնացումը: Եգիպտական դատավորները իրենց վզին կրում էին այդ քարը՝ «ճշմարտություն» մակագրությամբ: Թանկարժեք քարերն իրենց որակական հատկություններով խորհրդանշում են բարձրագույն գիտելիքները և հոգևոր առաքինությունները: Վիշապ քարակոթողները՝ առնվազն չորս հազար տարվա խորքից ներկա են պատմական Չայաստանի բարձրադիր վայրերում: Աստվածայինի հետ ունեցած հանդիպումից հետո, մեր հիշողության մեջ մնացած պատկերի ու կերպարի գաղափարանշանն է վիշապաքարը: Քարեղեն ելակետ, որ համարվում է անտեսանելի, անհիմնալի, անշոշափելի դրսևորումների միջև: Դիցաբանական մի արարած, որ խորհրդանշում է տիեզերական զորությունների հոսքը և տարերային շարժումը: Փոխաբերական իմաստով, կարելի է ասել, բնության Աստծո աչք, որ տեղորոշված է տեղադրված է էներգետիկ հզոր հոսքերի տեղամասերում:

Աստղագուշակության խորհրդակարգում թանկարժեք քարերը որպես «ամսվա քար» ներկայացնում են 12 կենդանակերպի նշաններով: Այդ համակարգի հիմքն ամենից առաջ հնագույն «Քարերի մասին» գիրքն է: Մոլորակներն ազդեցության ուժով նույնպես խորհրդանշանորեն կապված են թանկարժեք որոշակի քարերին: Չնայած ժամանակներից քարերն օգտագործվել են բուժական նպատակներով: Կիրառվում էին ոգեհմայական եղանակներ, իսկ որպես դեղամիջոց որոշ քարերի բաղադրությունը: Քարերի բուժիչ հատկություններում առանձնակի տեղ է գրավում գույնը: Բազմաթիվ տարընթանումներ և թյուրիմացություններ կան քարերի մասին ուսմունքում, բայց ակնհայտ է նրանց ներազդեցությունը իհիվանդությունների բուժման, մարդու կենսազգացողության, տրամադրության վրա թե՛ բժշկական, և թե՛ հոգեբանական առումով:

Այսպիսով՝ մարդու երկակի էությունը ի սկզբանե ստիպել է նրան, որ նա ընդունի և շատ դեպքերում հիմնվի խորհրդանիշների և խորհրդակարգերի վրա: Եվ դա որոշակիորեն ունի իր արդարացումը, որովհետև ունի հազարամյակների ասպացուցողական փորձ, չնայած այն բանի, որ դա դեռ չի դարձել գիտություն:

Մշակեց Սնացական ՍՈՒՐԱԴՅԱՆԸ

Հրատարակված է ՀՀ ԿԳՄՍ նախարարության աջակցությամբ
Լրատվական գործունեությունն իրականացնող Հայաստանի գրողների միության Շիրակի մարզային մասնաճյուղ:
Հասցեն՝ Շիրակի մարզ, Գյումրի, Գորկու 62
Վկայական N 01Բ 001543
տրված է 21.03.2005թ. հեռ. (094) 53 44 64
Խմբագրական խորհուրդ
Գլխավոր խմբագիր՝ Ռոզա Հովհաննիսյան
Համակարգչային ձևավորումը՝ «Էլտրադո Դրինտ» ՄԴԸ
Տպագրված է «Ռուբիկ Լարիբյան» Ա/Չ տպագրատանը
Տպաքանակը՝ 500
Ծավալը՝ 1 տպագրական մանուկ